



# Go thusa rremogolo go fola



**Siboniso Clifford Mashabane**





Ke nako ya difitlholo.

Ba lelapa ba letetse rremogolo go tla go  
dulela difitlholo le bona.

Ijoo! Rremogolo o reletse a bo a wa! O  
gobetse letsogo mo go maswe.



Rremogolo o kwa bookelong.

Dingaka di baakantse marapo a letsogo la gagwe.

“Rremogolo, o tla tshwanelwa ke go dula mo bookelong malatsi a se makae,” ga bua ngaka.

Rremogolo o tsofetse, go tla mo tsaya nako gore a fole sentle.









Ka Mosupologo, mmemogolo le Mbali baya go rapelela rremogolo kwa bookelong.

“Dithapelo tsa rona di tla go thusa go fola,” ga bua Mbali.

“Ke a leboga” ga bua rremogolo.



Ka Labobedi, Fana le mme ba mo tlišetsa diapole le dipanana.

“Maungo a tla go thusa go fola,” ga bua Fana.

“Ke a leboga,” ga bua rremogolo.







Ka Laboraro, Mbali le rre ba mo tlišetsa buka  
gore a buise.

“Go buisa go tlaa go thusa go fola,” ga bua  
Mbali.

“Ke a leboga,” ga bua rremogolo a tsaya  
buka.





Ka Labone, Fana le malome Mosa ba tlisetsa rremogolo seyalemowa.”

“Go utlwelela mmimo go tla go thusa go fola,” ga bua Fana.

“Ke a leboga,” ga bua rremogolo.









“Ka Labone, ngaka a thatlhoba letsogo la ga rremogolo..

“Letsogo la gago le fola sentle rremogolo. O ka ya gae, mme ka Mosupologo o tshwanetse go tla go thatlhobiwa,” ga bua ngaka.

“Ke a leboga,” ga bua rremogolo.



Rremogolo o ipaakanyeditse go ya gae!

Fana le rre ba tlile go mo tsaya.

“Rremogolo, rotlhe re itumeletse gore o tla gae!” ga bua Fana.









Kwa gae, Mbali, mme, mmemogolo le malome Mosa ba baakanyetsa kamogelo ya rremogolo.

Mmemogolo o bakile kuku.

Malome Mosa o besa nama.

Mme o teka tafole.

Mbali o budulela mowa mo dibaluning.



Rremogolo o gorogile!

Botlhe ba itumetse.

“Ke a leboga ba lelapa la me,” ga bua rremogolo.

“Lerato la lona le nthusitse go fola!”